

इवनिंग डोगरी न्यूज़ बुलेटिन

समे .18:15 Hrs

<><><><><><>

Headlines

1. अज्ज विजय दिवस दे मौके पर उपराज्यपाल मनोज सिन्हा होंरें अखनूर कश कचरियाल च 108 फुट उच्चा राश्ट्री झंडा फहराया।
2. मुखमंत्री उमर अब्दुल्ला होंरें सुर्गवासी डॉ. मसूद अहमद चौधरी हुं'दी त्रीऽ पुण्यतीथि दे मौके पर आयोजित कार्यक्रम च शिरकत कीती।
3. जम्मू-कश्मीर सरकार नै अग्ग साहलने ते आपातकालीन सेवा मैहकमे दे 103 कर्मचारियें गी 2020 आहली नियुक्ति प्रक्रिया च गड़बड़ी करी मुअत्तल करी दिता ऐ।

4. केंद्र सरकार नै आखेआ जे जम्मू-कश्मीर च बरे 2024 दरान 2 करोड़ 30 लकख सैलानी इत्थे आए न।

5. सरकार नै जानकारी दिती ऐ जे PLFS 2023-24 सर्वे मताबक जम्मू-कश्मीर च साक्षरता दर 82 फीसद ऐ।

<><><><><><>

LG Vijay Diwas

1971 दी लड़ाई च भारत दी पाकिस्तान पर जित दे चैते च मनाए जाने आहले विजय दिवस दे मौके पर अज्ज उपराज्यपाल मनोज सिन्हा होरें अखनूर कश चिरियाल च 108 फुट उच्चा राश्ट्री झंडा लहराया। अपने संबोधन च एल.जी सिन्हा होरें आखेआ जे स्हाड़ा तिरंगा झंडा इस्सै चाल्ली म्हेशां दुनिया च होर उच्चा लहरांदा रवे। इस दरान उनें 1971 दे युद्ध दरान अपनी दलेरी ते बलिदान कन्नै देसै गी गौरवांवित करने आहले शहीदें, जोआनें ते अफसरें गी भावें-भरोची दी श्रद्धांजलि दिती। सिन्हा होरें आखेआ जे कचरियाल दी

एह धरती नांs छड़ा ऐतिहासिक महत्व रखदी ऐ, सगुआं एह देशवासियें आस्तै पवित्र धरती ऐ कीजे इस थाहरै दा इक-इक इंच उनें बहादुर जोआनें गी चेता करा'रदा ऐ जिनें 1965 ते 1971 दी लड़ाइयें दरान देसै दी एकता ते अखंडता दी राखी लेई अपनी जिंदू दा सर्वोच्च बलिदान देई दिता।

<><><><><><>

CM-GDCT

मुख्यमंत्री उमर अब्दुल्ला होरें स्वर्गीय डॉ. मसूद अहमद चौधरी हुंदी त्री पुण्यतीथि दे मौके आयोजित कार्यक्रम च शिरकत कीती। एह कार्यक्रम दूर दी सोच रखने आहले लोक सेवक, शिक्षाविद ते गुर्जर देश चैरीटेबल ट्रस्ट दे संस्थापक डॉ. चौधरी होरें गी श्रद्धांजलि भेंट करने आस्तै आयोजित कीता गेआ। आई.पी.एस अधिकारी ते बाबा गुलाम शाह बादशाह युनिवर्सिटी दे पहले वाइस चांसलर दे तौर पर उंदी सेवाएं गी चेता करदे होई मुख्यमंत्री होरें आखेआ जे डॉ. चौधरी

हुं'दी जिंदगी एकता भाईचारे, संस्थान स्थापना ते बगैर मतलब दे सेवा च गै बीती। उंदा मुख तवज्जो गुज्जर बकरवाल समुदाय दे दुए पिछले सामाजिक तबकें दे सशक्तिकरण पर रेआ।

<><><><><><>

Ajeevika Mission Bill

विकसित भारत रोजगार ते आजीविका मिशन (ग्रामीण) गारंटी बिल 2025 अज्ज लोकसभा च पेश कीता गेआ। एह बिल 20 बरें पुराने महात्मा गांधी राश्ट्री ग्रामीण रोजगार गारंटी कनून-2025 (मनरेगा) दी थाह लैग। केंद्री राई-बाई मंत्री शिवराज सिंह चौहान होरें एह बिल पेश कीता तां जे आधुनिक संवैधानिक ढांचा, जेड़ा विकसित भारत-2027 दे धेइए कन्नै जुड़े दा ऐ, गी स्थापित कीता जाई सकै ते ग्राएं थाहें हर घर दे सदस्य गी 125 दिनें दा रोजगार गारंटी थहोए जेड़े के अकुशल मेहनत, मशक्कत आहला कम्म करना चाहंदे होन। चौहान होरें आखेआ जे प्रधानमंत्री नरेंद्र मोदी हुं'दी अगुवाई च गरीबें

दे कल्याण आस्तै बथेरियां विकास ते कल्याण योजनां चलाई जा'रदियां न।

<><><><><><>

Fireman-Terminated

जम्मू-कश्मीर सरकार नै सोमवारें अग्ग साहले ते आपातकालीन सेवा मैहकमें दे 103 कर्मचारिएं गी मुअत्तल करी दिता ऐ। एह कार्रवाई 2020 भर्ती प्रक्रिया दी जांच मगरा कीती गई। आकाशवाणी जम्मू संवाददाता नै जानकारी दिती ऐ जे इक आदेश दे मताबक नियुक्तियां गैर कनूनी हियां ते म्तेयानें दे रिकार्ड ते नतीजें कन्नै छेड़छाड़ करी हासल कीतियां गेइयां हियां। सरकार तरफां कराई गेदी भ्रष्टाचार बरोधी ब्यूरो दी जांच दे नतीजे ते पुच्छ-पड़ताल दे नतीजे दे तौर पर इस कार्रवाई दा फैसला लैता गेआ। सरकार नै दिसंबर 2022 च इस विभाग च नियुक्तिएं च कथित गड़बड़ी दी जांच आस्तै जांच कमेटी दा गठन कीता हा। इस कमेटी नै फरवरी 2024 च अपनी रिपोर्ट जमा करवाई ही।



Encounter Udhampur

उधमपुर जिले च कल संग्रा आतंकवादियें ते सुरक्षाबलें बश्कार भखे दे इक टाकरे च जम्मू-कश्मीर पुलसै दा इक जोआन शहीद होई गया ऐ ते इक आतंकी दे घायल होने दी जानकारी ऐ। आकाशवाणी जम्मू संवाददाता नै जानकारी दिती ऐ जे इक टकोहदी सूह दी बिनाह पर जिले दी सोहन मझालता तहसील दे इलाके च चलाए गेदे तुपाई अभियान दौरान आतंकवादियें कन्नै झत होने पर द'ऊं तरफा गोलीबारी शुरु होई ही- शहीद जोआन दी पंछान पुंछ जिले दी मेंढर तहसील दे सालवा दे रौहने आहले अमजद दे तौरा पर कीती गेई ऐ।



NIC Tour

राजौरी दी 25 डिविजन दे जीओसी मेजर जनरल कौशिक मुखर्जी होरें अज्ज फौज दी घड़ी बटालियन आसेआ आयोजित 8एं दिनें दे राश्ट्री एकता दौरै पर गेदे विद्यार्थियें दा देहरादून थमां राजौरी-पुंछ

वापस औने पर सोआगत कीता। इस दौरै दा आयोजन युवा प्रतिभागियें च राश्ट्री एकता दी भावना गी बढावा देने दे मकसद कन्नै कीता गेदा हा। राजौरी ते पुंछ जिलें च कब्जा रेखा कन्नै लगदे ग्राएं दे विद्यार्थी इस पैहलकदमी दा हिस्सा हे।



Tourists Flow

केंद्र सरकार नै सोमवारें लोकसभा च जानकारी दिती जे जम्मू-कश्मीर च ब'रे 2024 दुरान सैलसफा च बड़ा मता बाद्दा होआ ऐ ते इत्थें औने आहले लोकें दी गिनतरी 2 करोड़ 30 लक्ख कोला मती ऐ। आकाशवाणी दे जम्मू संवाददाता नै जानकारी दिती ऐ जे इस रिकार्ड गिनतरी च 65 जहार शा मते विदेशी सैलानी न। लोकसभा च इक सोआलै दा परता दिंदे होई केंद्री सैलसफा मंत्री गजेंद्र सिंह शेखावत होरें जानकारी सांझी कीती जे जम्मू-कश्मीर च ब'रे 2024 दुरान 2 करोड़ 30 लक्ख 12 जहार 707 सैलानी देसै दे बक्ख-बक्ख हिस्सें थमां जम्मू-कश्मीर आए हे जिसलै के 65 जहार 452 सैलानी

विदेशें थमां इत्थे आए हे, जेदे कन्ने इत्थे आने आहलें दी कुल गिनतरी तकरीबन 2 करोड़ 30 लकख 78 जहार 159 होई जंदी ऐ।

<><><><><><>

JK-Literacy Rate

लोकसभा च पेश आधिकारिक जानकारी मताबक जम्मू-कश्मीर च साक्षरता दर 82 फीसदी दर्ज कीती गई ऐ। आकाशवाणी जम्मू दे संवाददाता नै दस्सेआ ऐ जे इक सवालै दे परते च शिक्षा राज्यमंत्री जयंत चौधरी होरें आखेआ जे Periodic Labour Force Survey (PLFS) दी 2023-24 दी सलाना रिपोर्ट दे आधार पर एह आंकड़े पेश कीते गए न। इस सर्वे गी राष्ट्री सैंपल सर्वे दफ्तर नै करवाया हा। मंत्री होरें जानकारी दिती जे भारत सरकार New India Literacy Program (NILP) जिसी नव भारत साक्षरता कार्यक्रम बी आखेआ जंदा ऐ, गी 2022 थमां 2027 तोड़ी लागू करा'रदी ऐ। एहदा मकसद 15 ब'रें या मती उम्री आहलें गी साक्षर बनाना ऐ जेड़े औपचारिक तौर पर स्कूल नेई गए।



Farmer's Visit

आगवानी निदेशक जम्मू गुल सईद हों जिला सांबा दे करसानें दे दूर गी पंजाब एग्रीकल्चर युनिवर्सिटी लुधियाना आस्तै झंडी दस्सियै रवाना कीता। साम्बा जिले दे बकख-बकख ब्लॉकें थमां 35 करसानें दा समूह P.A.U लुधियाना दे सेंटर ऑफ एक्सीलेंस यानि उत्कृष्टता केंद्र जाडन जित्थे उनेंगी महत्वपूर्ण जानकारी दा लाह थहोग। 5 दिनें दे इस दौरै दा आयोजन M.I.D.H स्कीम हेठ बागवानी विभाग साम्बा दी बकखी दा कीता गेआ ऐ। एह करसान P.A.U लुधियाना दे साईंसदानें कन्ने पंजाब दे विकासशील करसानें कल्लै गल्लबात करडन ते खट्टे फलें दी बागवानी, अम्ब ते नमिएं काहडें बारै जानकारी हासल करडन।



HADP-Ramban

रामबन जिले च समावेशी राई-बाई विकास कार्यक्रम, करसान उत्पादक संगठन बनाने ज्नेई पहलकदमिं रां राई-बाई बिक्री प्रणालिं गी मजबूती देआ'रदा ऐ। बक्ख-बक्ख केंप ते प्रशिक्षण सत्रें दा आयोजन कीता जा'रदा ऐ जेड़े के राई-बाई उद्यमी बनने आस्तै जागरूकता बदाने, उद्योग योजना बारै सिखाने च अहम भूमिका निभा'रदे न जेदे करी बेहतर बजार बिक्री सरबंधी मुकाबलेबाजी कन्नै नौजवान नौकरी मंग्गने आहलें थमां नौकरी देने आहले बनी सकन। एहदा इक मकसद मूल राई-बाई थमां उद्योग सरबंधी राई-बाई कम्में बक्खी रूख गी मोड़ना ऐ।

<><><><><><>

Cricket-Tournament

चार साहिबजादे क्रिकेट टूर्नामेंट अज्ज आधिकारिक तौर पर स्पोर्ट्स स्टेडियम पुंछ च भव्य शुभारम्भ समारोह कन्नै शुरू होई। इस मौके मन्ने-परमन्ने दे लोक ते क्रिकेट प्रेमी मौजूद हे। टूर्नामेंट, जेदा

मकसद चार साहिबजादेँ दी कुर्बानी गी चेता करना हा, एहदे च खरी मती गिनतरी च लोकें दी मौजूदगी दिक्खने गी लब्बी। इस टूर्नामेंट दा उद्घाटन विधानसभा सदस्य हवेली एजाज जान होरें कीता। अपने संबोधन च जान होरें आखेआ जे चार साहिबजादेँ दी शहादत इंसानियत ते विश्वास दी खातिर उंदी बिरली कुर्बानी दा चेता नोआंदी ऐ।

<><><><><><>